

Peter Bichsel prelegia a Domat

(cp) Dals 6 als 8 da november han lieu ils 19avels Dis da litteratura a Domat. Ils Dis da litteratura da quest onn stattan sut l'ensaina dal moviment, dal viadi. L'enconuschent autur e passagier da tren Peter Bichsel prelegia venderdi saira. «Ich kannte einen Mann, der wusste den ganzen Fahrplan auswendig, denn das einzige, was ihm Freude machte, waren Eisenbahnen, und er verbrachte seine Zeit auf dem Bahnhof, schaute, wie die Züge ankamen und wie sie wegführen.» Uschia entschaiva ina da las istorgias da *Peter Bichsel* che è vegnidas undradas cun il premi per cudeschs da giuvenils. La fascinaziun per il viagià, numnadain per il viagià cun il tren cumpara en bleras da sias istorgias e columnas.

Tgi fiss damai pli adattà che Peter Bichsel per avrir ils 19avels Dis da litteratura che stattan sut l'ensaina dal viagià! Venderdi saira, ils 6 da november prelegia l'enconuschent viandant da tren ed autur Bichsel or da sias istorgias.

Che ir cun il tren saja l'art dal spetgar, declera il raquintader en in da ses texts. Sche Bichsel raquinta dal viagià en il tren, raquinta el mintgant era dal scriber. Quai sa mussa en blers da ses texts. Ils raquintaders èn savens buns observaturs. Els na raquintan betg be dal viagià, mabain adina pupsè er da las fermadas, dal trantertemp. Dal spetgar, sin ils perruns, a las staziuns, en il tren. Uschia manegia er in da ses protagonist: «Wer nicht warten kann, der langweilt sich beim Eisenbahnfahren.»

Peter Bichsel è in dals pli enconuschents auturs contemporans da la Svizra. El è daventà enconuschent l'onn 1964 cun ses cudesch en prosa «Eigentlich möchte Frau Blum den Milchmann kennen lernen». La part principala da si'ovra è dentant sias columnas, publicadas en numerusas ediziuns. La davosa publicaziun cun il titel: «Heute kommt Johnson nicht» è ina racolta da columnas dals onns 2005–2008.

Tgi che enconuscha Peter Bichsel stima ses tun fin. Ses temas chatta Bichsel èn las chaussas dal mintgadi, be apparentain banalas.

I vala pia la paina da viagià a Domat per giudair e sa laschar surpender da la lectura da Peter Bichsel.



Peter Bichsel prelegia venderdi, ils 6 da november, 20.30. Moderaziun: Andri Steiner.